



UNIVERSITÄTS-
BIBLIOTHEK
PADERBORN

Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Landsberg, Johannes Justus

Coloniae Agrippinae, 1630

Quod ex nobis ipsis nihil, ex Deo, verò omnia ad animæ nostræ salutem
possimus. Cap. XX.

[urn:nbn:de:hbz:466:1-45857](https://nbn-resolving.org/urn:nbn:de:hbz:466:1-45857)

Quod ex nobis ipsis nihil, ex Deo vero omnia ad anima nostra salutem
possumus. Cap. XX.

Sap. 5.
Sine gratia
Dei nil pos-
sumus.
Ioan. 15.

Haeretici vt
scripturas
deprauent.
2. Cor. 3.

Ex gratia
posse nos
omnia.
1. Cor. 15.

Philip. 4.

Imploran-
dum diuinū
auxilium
contra im-
becillitatem
nostram.
Ioan. 6.

Haeretici vt
religiosū
falso nimi-

Quod si eiusmodi continentiae calumniatores proferant, dictum illud
Sapientis: *Non possum esse continens (intellige ab obscenis operibus)
nisi Deus det.* Respondendum erit (quod ipsi fatentur) neminem
boni aliquid citra gratiam, donum & auxilium Dei posse. Seruator noster
ipse ait: *Sine me nihil potestis facere.* Quorum verborum sensum & intelli-
gentiam haeretici deterius deprauentes, nihil omnino nos boni efficere posse
asserunt: cum tamen non aiat Seruator noster, nos nihil boni posse. Sed di-
cat: *Sine me nihil potestis facere.* Duo ista verba (*sine me*) ipsi excludunt & o-
mittunt, & inquit saltem, nos nihil boni posse. Ita in omnibus scripturis
faciunt corruptentes eas, & mutilantes, non citatis verbis illis, quae contra
iplos faciunt, aut peruerentes & in alium, alienumque sensum flectentes: sicut
cum Paulum posteriori ad Corinthios epistola producant, ubi dicit, *quod
non sufficientes sumus cogitare aliquid à nobis.* Sed quod postea sequitur, *quasi ex
nobis,* reticent, quia his adiectis praecedentia verba nullum locum habent ad
ostendendum siue probandum propositum Lutheranum. Quandoquidem hoc vult
Paulus, quod à nobis, quasi ex nobis insufficientes ad omnia sumus, à nobis
verò accedente instinctu auxilio, & praesidio Dei, nihil non queamus. Item
ex priori ad Corinthios epistola in medium proferuntur, quod Paulus ait:
Gratia Dei sum id quod sum. Et tacent quod mox sequitur, *& gratia eius in me
vacua non fuit, sed abundantius illis omnibus laboravi.* Non ego autem, sed gratia Dei
mecum. Vides, quod Paulus non suum sibi tantum laborem sine gratia Dei
tribuat, neque gratiae solum Dei absque suo labore adscribat? sed sibi ipsi &
praecipue gratiae quoque Dei. Ideoque dum inquit, *abundantius omnibus labo-
raui,* adiungit, *non ego, sed gratia Dei mecum.* Quomodo neque suum sibi ipsi
laborem adscribit, dum dicit, *non ego.* Ita neque penitus gratiae Dei totum tri-
buit, cum ait: *Sed gratia Dei mecum,* hoc est, gratia Dei & ego pariter operati
sumus. Insuper cum hic, vel alibi ex Paulo, quod illis conuenit, verbum
excerpunt ad asserendum, nihil nos boni posse, tum id reticere student quod
Paulus ad Philippenses ait: *Omnia possum in eo qui me confortat.* Si omnia his
similia enumerari deberent, nimis hic liber exeresceret. Haec tantum idè
dicta sint, quod malè ipsi sese excusant, his suam luxuriam tegere volentes,
dicendo, se nihil posse, impossibile esse, & nullum aliquid boni facere pos-
se. Agnosceis (tu quisquis es) propriam tuam imbecillitatem, aut ex te solo
tuam impotentiam, agnosce etiam Dei benevolentiam & liberalitatem. In-
uoca Deum, & dabit tibi, & adiuuabit te, quod ipse non potes, si ex corde se-
riusque petueris, non falleris, sua non possunt non vera verba esse, dum in-
quit: *si quid petueritis Patrem in nomine meo dabit vobis.* Non quod citra nostram
diligentiam & laborem & relictationem contra mala, nobis omnia donen-
tur, sed si petuerimus, & quod possumus ex gratia Dei, prius nobis data, la-
borauerimus, maiorem gratiam, maiorem potentiam, plus virium, atque
etiam plures virtutes consequemur, &c. Et haec contra id genus continentiae
criminatorum dicta sint, qui ad suam aliorumque malam vitam purgandam,
prohorum religiosorum vitam calumniantur, & falso quandoque ipsis faci-
nora

in ora quædam impingunt, in quibus se ipsos (vt metuendum est) culpabiles
nouerunt (quam ob causam etiam à Deo ipsi fortassis hac affecti sunt clade,
vt in tantas, in quibus modo sunt, mentis tenebras sint prolapsi. Sed ab hu-
iusmodi malis facinoribus alij boni religiosi tam sunt infantes & liberi, vt
ne nomine tenus quidem, quæ sint ista flagitia, aut quo pacto fiant, nōrint.

*Quod religiosi bonis operibus nauent operam, nec tamen salutem suam
in proprijs operibus constituent.*

Caput XXI.

SVnt & alij multi, qui religiosum propositum vituperant, propterea
quod religiosi bonis prorsus operibus incumbant, & ad ea se etiam ampli-
us obligent, quam ex præcepto Dei cum cæteris Christianis omni-
bus sunt obligati. Talibus malè improperatur & obijcitur, quod cuncta ip-
forum, quæ faciunt, opera non in Euangelio omnibus mandata Christianis,
Deo sint ingrata, nec ex Deo proficiantur, sed pugnent cum doctrina Chri-
sti, sint inuentiones humanae, quæ sint Euangelio opprobrio, tanquam ipsum
Euangelium ad salutem animarum non sufficiat. Huiusmodi cauillationes
B. matris Dei, S. Ioannis Baptistæ, omnium Apostolorum, & omnium San-
ctorum vitæ refellunt, qui omnes communibus esse præceptis contenti, quæ
sunt omnibus data Christianis, & quæ omnibus obseruatu necessaria sunt
noluerunt. At qui latius ex maiori deuotione & charitate erga Deum sunt,
progressi ad omne, quod in sacris consulitur commendaturq; scripturis,
aut quod alioqui Spiritus sancti illustratione cognoscitur Deo acceptum
esse & placere, & honestum esse vna cum perfecta, præceptorum Dei obser-
uatione. Pari ratione est sermo ridiculus quorundam ad bonas actiones i-
gnauorum dicentium, Christum pro nobis passum, & pro nobis cælum cō-
meruisse, idcirco opera nostra esse nulla, sed fidem nos solam beatificare pos-
se. Verum est, quod tibi cælum Christus meruerit: at non ita, vt tu, quod ve-
lis facias, & quod tibi voluptati est tibi permittas. Christus tibi meruit, vt
tua meritoria esse opera possint, quæ citra ipsius meritum tibi ad vitam æ-
ternam meritoria non essent. Christus pro te crucifixus est. Quæ crucifixio,
vt tibi bono sit, carnem tuam cum vitijs & concupiscentijs crucifigas, sicut
te Paulus passim in scripturis docet, oportet. Et ad huiusmodi exercitium
propositū religiosum & cenobia instituta sunt. Proinde malè & iniquè in
vulgus spargitur, quod monastici & spiritu seruidi homines tantam in pro-
prijs operibus fiduciam habeant, quasi ex ijs solis, & non ex gratia meritissq;
Christi salui fieri vellent. Cum hoc reuera religionis sit omnibus commune,
vt quanto deuotiores, flagrantiores, perfectioresq; in charitate Dei sunt,
tanto sint etiam magis strenui, feruentiores, magis seduli diligentioresq; in
bonis operibus: & quo sunt bonis operibus locupletiores, hoc sint tamen ad-
huc in corde suo submissiores: certi nimirum, ac indubitata fide tenentes cū-
cta rectè facta suum præmium, & omnia opera mala suum supplicium à Deo
habitura esse. Præterea cum plebi bonis operibus existant, non tanti tamen
propria opera faciunt, vt ipsa mercede esse digna autument. In operibus nā-
que suis peccata vitiaque sua iuxta ac misericordiam Dei ob oculos ponunt,

Hæretici vt
benefacta
religiosorum
traducant.

Opera no-
stra vnde
sunt merito-
ria.

Galat. 5.

D in quana